



Broj: 01-50-1-1715-10/16
Sarajevo, 21.07.2016. godine

PREDSTAVNIČKI DOM PARLAMENTARNE SKUPŠTINE BIH
n/r predsjedavajućeg, gosp. Mladena Bosića

SARAJEVO

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 22-07-2016			
Organizaciona jedinica	Klasifikaciona oznaka	Redni broj	Broj priloga
01-50-1-	15-31/16		

PREDMET: Pisani odgovor na usmeno postavljeno poslaničko pitanje zastupnice Maje Gasal-Vražalica, dostavlja se

VEZA: vaš akt broj: 01-50-1-15-31/16 od 15.06.2016. godine

U prilogu akta dostavljamo pisani odgovor na usmeno poslaničko pitanje zastupnice Maje Gasal-Vražalica koje je postavljeno na 31. sjednici Predstavničkog doma Parlamentarne skupštine Bosne i Hercegovine, održane 15.06.2016. godine.

S poštovanjem,



ŠEF KABINETA
Asja Nikšić

Prilog:

- kao u tekstu

Dostavljeno:

- naslovu
- Generalnom sekretarijatu Vijeća ministara
- a/a

ODGOVOR

Maja Gasal-Vražalica, zastupnica u Predstavničkom domu Parlamentarne skupštine Bosne i Hercegovine, na 31. sjednici Predstavničkog doma održanoj 15.06.2016. godine, postavila je sljedeće usmeno poslaničko pitanje:

„Međunarodni dan žena se u BiH, ali i malo šire, slavi na način da se pripadnicama podzastupljenog, ali ljepšeg spola uručuju buketi cvijeća, jedan cvijet, a neki pošalju i buket cvijeća sa bombonjerom pokazujući time svu promašenost ideologije i smisla koji bi taj dan trebao sadržavati u sebi. Tog dana, 08.03.2016. je Komisija za ostvarivanje ravnopravnosti spolova PS BiH organizirala konferenciju na kojoj smo između ostalog po ko zna koji put ukazali na neostvarena prava najbrojnije manjine u BiH, a to su žene kojih u BiH živi nešto više od 51%. Ukazale smo na sistemsko kršenje prava žena, na našu podzastupljenost u svim segmentima društva, ali istini za volju, ima nas i gdje smo zastupljene više negoli pripadnici muškog spola, a to je nažalost na birou za zapošljavanje. Ukazale smo na neujednačene porodiljne naknade u BiH, pogotovo u FBiH, na višestruku diskriminaciju žena sa invaliditetom koje nigdje u BiH nemaju ginekološko-akušersku stolicu za pregled, a svakog dana čujemo koliko je rano otkrivanje raka grlića maternice bitno u sprečavanju uznapredovanja ove strašne pošasti modernog doba, na djevojčice/žene Romkinje, nasilje u porodici u kojoj su pretežno djevojčice/žene žrtve fizičkog i psihičkog nasilja, na trgovinu ženama, ali i na poražavajuću informaciju da nas Interresorna radna grupa za izmjenu izbornog zakona u 2016. želi vratiti nekoliko koraka unatrag, a ukoliko PS BiH podrži ovaj prijedlog sigurne smo da nas kako u ovoj tako ni u drugim skupštinama u bliskoj budućnosti neće uopće ni biti, a o zastupljenosti u izvršnoj vlasti da ne govorim. Na toj istoj konferenciji sam sasvim slučajno saznala da je nekim ženama povodom Međunarodnog dana žena dostavljen buket cvijeća i bombonjera, a u potpisu čestitke je Predsjedavajući Vijeća ministara BiH. Jako fina gesta, ukoliko ste istu financirali iz vlastitog budžeta, a ne iz budžeta Bosne i Hercegovine. Da li ste tu jako finu gestu financirali iz budžeta BiH? Ako da, iz kojeg fonda su uzeta sredstva? “

Na postavljeno poslaničko pitanje, predsjedavajući Vijeća ministara je dao sljedeći pisani

ODGOVOR

Zahvaljujemo se na postavljenom pitanju i prije svega želimo ukazati da se Vijeće ministara na čelu sa predsjedavajućim dr. Zvezdićem iskreno zalaže za poboljšanje položaja žena u Bosni i Hercegovini i da činimo sve što je u našoj moći u cilju eliminacije svih oblika diskriminacije žena u Bosni i Hercegovini. Glavni nosioci aktivnosti u ovom procesu ispred Vijeća ministara su Ministarstvo za ljudska prava i izbjeglice i Agencija za ravnopravnost spolova BiH koja djeluje u okviru tog ministarstva. U cilju realizacije navedenih ciljeva, Vijeće ministara je usvojilo bitne strateške dokumente kao što su: Okvirna strategija za provedbu Konvencije o prevenciji i borbi protiv nasilja nad ženama i nasilja u porodici u Bosni i Hercegovini za period 2015 – 2018. godina, Gender akcioni plan Bosne i Hercegovine za period 2013 – 2017. godina i Akcioni plan za implementaciju UNSCR 1325 u Bosni i Hercegovini za period 2014 – 2017. godine.

Međunarodni dan žena koji se obilježava 8. marta svake godine je prije svega dan kada se slave ekonomska, politička i društvena dostignuća pripadnica ženskog spola. U cilju priznanja i davanja značaja ovom prazniku i u skladu sa protokolarnom praksom u većini zemalja, pa tako i u Bosni i Hercegovini, običaj je da se uputi prigodan poklon u vidu cvijeća i bombonjere svim ambasadoricama akreditiranim u Bosni i Hercegovini, kao i ministricama u Vijeću ministara BiH. Predmetni pokloni se, slijedom prakse finansiraju iz sredstava reprezentacije.